



**-Komunalno-sanitarno-vodoprivredni inspektor-**

Broj: 06-37-4-676 /19

Maglaj, 27.05.2019.godine

**OPĆINSKO VLJEĆE  
MAGLAJ**

**INFORMACIJA**

o provedenoj obaveznoj preventivnoj sistematskoj deratizaciji  
na području općine Maglaj - proljetna faza 2019. godine

Na osnovu Naredbe Ministarstva zdravstva Zeničko-dobojskog kantona o provođenju obavezne preventivne sistematske deratizacije na području Zeničko-dobojskog kantona – proljetna faza 2019. godine broj: 11-37-37-32-3/19 od 15.04.2019. godine, a u vezi sa članom 10. tačka 5. Zakona o zaštiti stanovništva od zaraznih bolesti („Službene novine F BiH“, broj: 29/05), Naredbe načelnika općine o provođenju obavezne preventivne sistematske deratizacije na području općine Maglaj – proljetna faza 2019. godine, broj: 01-49-980/19 od 17.05.2019. godine, kao i donesenih akata kako slijedi:

1. Ugovora o provođenju obavezne preventivne sistematske deratizacije na području općine Maglaj - proljetna faza 2019. godine broj: 01-05-12-716-5/19 od 14.05.2019. godine, potpisanog između Općine Maglaj i JU Institut za zdravlje i sigurnost hrane Zenica,
2. Programa provođenja obavezne preventivne sistematske deratizacije na području Zeničko-dobojskog kantona 2019. godine (PROLJETNA I JESENJA FAZA) - Kontrola uzročnika zaraznih oboljenja i njihovih prenosilaca broj: 11-37-3732-2/19 od 15.04.2019. godine, Ministarstvo zdravstva Zeničko-dobojskog kantona,

provedena je proljetna faza deratizacije, 2019. godina.

U skladu sa navedenom Naredbom načelnika općine obaveznu preventivnu sistematsku deratizaciju kojom su obuhvaćeni objekti i površine u vlasništvu općine, odnosno kojima upravlja općina, organizovao je i proveo Institut za zdravlje i sigurnost hrane Zenica u periodu od 20.05. – 24.05.2019. godine. Dana, 24.05.2019. godine obzirom na izljevanje rijeke Liješnice, veće količine otrova su bačene na područja, tj. u stambene objekte zahvaćene poplavom.

Prije početka, kao i tokom, izvođenja deratizacije, putem sredstava javnog informisanja, građanstvo je informirano o predstojećoj akciji i njenom značaju.

Prema Operativnom Planu provođenja preventivne sistematske deratizacije (proljetna faza) utvrđeni stepen prisutnosti glodara na općini Maglaj je treći stepen.

Proljetna preventivna sistematska deratizacija izvedena je antikoagulantima rodenticidima II i III generacije visokog učinka.

Pregled materijala - otrova i utrošak istih na općini Maglaj za izvođenje deratizacije kojom su obuhvaćeni objekti i površine kojima upravlja općina Maglaj kao i obim izvođenja iste je naveden u tabelama:

### IZVJEŠTAJ REALIZACIJE PREVENTIVNE SISTEMATSKE DERATIZACIJE U JAVNOM SEKTORU U OPĆINI MAGLAJ PROLJEĆE 2019. GODINE

RB	OBJEKTI	Ukupno
1	Javne i zelene površine u pojasu naselja sa koncentriranim stanovništvom (gradska naselja)	Da
2	Nezvanična (neorganizirana) odlagališta otpada – smetlišta	12
3	Objekti gradskih/općinskih javnih zdravstvenih ustanova sa pripadajućim vanjskim površinama	16
4	Gradske/Općinske institucije i njihove ispostave sa pripadajućim vanjskim površinama	
5	Individualne stambene objekte u privatnom vlasništvu u užim zonama gradskih naselja	803

#### Evidencija utrošenog materijala - preventivna sistematska deratizacija - Proljeće 2019. na općini Maglaj

RB.	Općina	Datum	MEKI MAMAK bromadiolon 10g (kg)	PARAFIN 20/25 g (kg)	PARAFIN BLOK 100g (kg)	KARTONSKE KUĆICE (kom)	SEKTOR
1	Maglaj	20.05.2019	38,8	21,9	0	30	JAVNI
2	Maglaj	21.05.2019	52,9	35,2	4,8	200	
3	Maglaj	22.05.2019	51,1	33,5	5,4	180	JAVNI
4	Maglaj	23.05.2019	40,5	15	0	150	JAVNI
5	Maglaj	24.05.2019	12	6,8	0	50	JAVNI
<b>UKUPNO:</b>			<b>195,3</b>	<b>111,8</b>	<b>10,2</b>	<b>610</b>	<b>JAVNI</b>

(Podaci navedeni u tabelama dobiveni su iz Instituta za zdravlje i sigurnost hrane Zenica)

Mamci su postavljani prema normativu za provođenje proljetne faze preventivne sistematske deratizacije 2019. godine, koji je rađen prema vrsti, namjeni objekta, strukturi područja i prema sanitarno – higijenskom stanju objekta.

Obaveznom preventivnom sistematskom deratizacijom obuhvaćeni su sljedeći objekti i površine:

1. Javne i zelene površine u pojasu naselja sa koncentrisanim stanovništvom (gradsko naselje),
2. Obale površinskih vodotoka u gradskim i prigradskim zonama,
3. Centralne deponije,
4. Nezvanična (neorganizovana) odlagališta otpada - smetlišta,

5. Vaspitno – obrazovni objekti (škole, obdaništa, fakulteti) i kulturni objekti sa pripadajućim vanjskim površinama,
6. Kolektivni centri za smještaj i boravak izbjeglih i prognanih lica,
7. Objekti kantonalnih javnih zdravstvenih ustanova sa pripadajućim javnim površinama,
- 8. Objekti gradskih/općinskih javnih zdravstvenih ustanova sa pripadajućim vanjskim površinama (obuhvatajući: podrumne, tavane, magacioni prostor, dvorišta, smetljarnike, garaže, otvorena i zatvorena odlagališta otpada, te pripadajuće površine kao što su dvorišta i parkovi),**
9. Kantonalne institucije i njihove ispostave sa pripadajućim vanjskim površinama,
- 10. Općinske institucije i njihove ispostave sa pripadajućim vanjskim površinama,**
- 11. Individualni stambeni objekti u privatnom vlasništvu u užim zonamagradskih naselja, (obuhvatajući: podrumne, tavane, magacioni prostor, dvorišta, smetljarnike, garaže, otvorena i zatvorena odlagališta otpada, te pripadajuće površine kao što su dvorišta i parkovi),**
12. Vjerski objekti i groblja u gradskim naseljima,
13. Objekti za javno vodosnabdjevanje i kanalizaciona mreža sa šahtovima i izlivnim kolektorima,
14. Objekti i površine svih fizičkih i pravnih lica koji obavljaju poslovnu djelatnost,
15. Objekti i sredstva javnog saobraćaja,
16. Objekti za proizvodnju i promet živežnih namirnica i predmeta opće upotrebe sa pripadajućim vanjskim površinama
17. Objekti za pružanje usluga javne higijene,
18. Zajednički prostori stambenih zgrada (podrumi i tavani).

Troškove deratizacije za objekte i površine iz svoje nadležnosti (kojima upravlja, tj. čiji je vlasnik), navedene pod tačkama 1., 4., 8., 10. i 11.) snosi općina Maglaj iz svog budžeta.

Kontrolu provođenja preventivne sistematske deratizacije u skladu sa Naredbom načelnika općine i Naredbom Ministarstva zdravstva vršio je općinski sanitarno–komunalno– vodoprivredni inspektor.

U organizaciji Instituta za zdravlje i sigurnost hrane Zenica deratizacija – proljetna faza provedena je prema Operativnom Planu provođenja preventivne sistematske deratizacije (proljetna faza) u 2019. godini za četiri dana i peti dan korekcije i dopune. Ukupan broj osoblja angažovan ispred Instituta bio je 10, a broj angažovanih vozila po danu 5, izuzev petog dana izvođenja deratizacije kada su angažovana dva izvršioca i jedno vozilo.

Prije početka izvođenja deratizacije, kao i svaki dan tokom izvođenja iste, vršena je kontrola otrova, radnog osoblja i opremljenosti. Sve ekipe su posjedovale akreditacije za rad i kopije Naredbe načelnika općine i Naredbe Ministarstva zdravstva Zeničko-dobojskog kantona o provođenju obavezne preventivne sistematske deratizacije – proljetna faza 2019. godine.

Pri izvođenju deratizacije nije bilo problema, svi subjekti koji podliježu provođenju obavezne preventivne sistematske deratizaciji obezbjeđivali su rad izvođačima kojima su i vremenski uslovi bili naklonjeni, ako ne računamo povremene padavine.

U toku trajanja akcije deratizacije sugerisane su i dodatne lokacije na koje treba obratiti naročitu pažnju (povećati količinu otrova) kao preventivne mjere, zbog mogućnosti pojave i širenja zaraznih bolesti, (između ostalog i područja zahvaćena poplavom od 13.05.2019. godine) a što je i prihvaćano od strane koordinatora izvođenja deratizacije. Takođe i građani su se uključivali u akciju na način da su ukazivali na lokacije koje je poželjno tretirati otrovima iz predostrožnosti. Treba napomenuti da je u navedenom periodu urađena i deratizacija podrumskih prostorija svih zgrada u Maglaju.

Tokom rada deratizeri su koristili odgovarajuću zaštitnu opremu. Naljepnice i obavijesti o izvršenoj deratizaciji su postavljane na vidnim, a zakonom dozvoljenim mjestima. Prilikom postavljanja svježih mamaka uklanjani su oni iz prethodne akcije ukoliko se na njih nailazilo.

Obzirom na sve naprijed navedeno može se konstatovati da je obavezna preventivna sistematska deratizacija na području općine Maglaj - proljetna faza 2019. godina uspješno obavljena.

U Budžetu općine Maglaj za 2019. godinu planirana su sredstva za proljetnu i jesenju fazu deratizaciju.

Dostavljeno:

1. Naslovu,
2. Služba za privredu, finansije  
i razvoj poduzetništva,
3. Institut za zdravlje i  
sigurnost hrane Zenica,
4. a/a.



Komunalno-sanitarno-vodoprivredni inspektor

  
Merima Mahmutović, dipl. ing. tehnol.